

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 14.11.2017թ. թիվ 1707103305 որոշման հիմքում դրված փաստական հանգամանքների դեմ բերված գանգադրն առանց բավարարման թողնելու մասին

<<12>> 01 2018թ. 17-Կ-23 836-17/17 Կ-16

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ղուկաս Եղիազարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Սարյան փողոցի 18-րդ շենքի 29-րդ բնակարանի բնակիչ Ղուկաս Եղիազարյանը դիմումով հայտնել է, որ 31.10.2017թ-ին՝ ժամը 10:37-ին քաղաքացի Վազգեն Հարությունյանին պարկանող <<BYD>> մակնիշի 495 ՕՓ 61 հաշվառման համարանիշի տրանսպորտային միջոցը վարել է ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին 14.11.2017թ. թիվ 1707103305 որոշումը՝ նշելով, որ տրանսպորտային միջոցը տեղակայված է եղել կարմիր գույնով գծանշված ընդհատվող գծանշումների մեջ:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Ղուկաս Եղիազարյանը ճանաչվել է որպես իրավախախտում կատարած անձ, ուստի նրա կողմից ներկայացված գանգադր ենթակա է քննության:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին որոշումն օրինական է, իրավաչափ և այն վերանայելու հիմքեր չկան հետևյալ պարզառարարությանը.

Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ Սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վրանգ չի ստեղծվել:


Ճանապարհային ոստիկանության վարչական տույժ նշանակելու մասին 14.11.2017թ. թիվ 1707103305 որոշմամբ իրավախախտումն ամրագրած տեսանյութի լրացուցիչ ուսումնասիրությամբ պարզ է դառնում, որ Երևան քաղաքի Ագաթանգեղոս - Խորենացի խաչմերուկի հատվածում դիմումատուի տրանսպորտային միջոցը տեղակայված է եղել ՀՀ կառավարության Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին թիվ 955-Ն որոշմամբ սահմանված՝ 3.27 <<Կանգառն արգելվում է>> ճանապարհային նշանի ազդման գոտում:

Այսպիսով, ակնհայտ է դիմումատուի կողմից ճանապարհային երթևեկության կանոնների խախտում թույլ տալու փաստը, որի համար <<Վարչական իրավախախտումների վերաբերյալ>> ՀՀ օրենսգրքով սահմանված է վարչական պատասխանատվություն:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ղուկաս Եղիազարյանի՝ Ճանապարհային ոստիկանության վարչական տույժ նշանակելու մասին 14.11.2017թ. թիվ 1707103305 որոշման հիմքում դրված փաստական հանգամանքների դեմ բերած գանգադը թողնել առանց բավարարման:
2. Հանձնարարել ՏՄՀԽԱ կենտրոնին, Ղուկաս Եղիազարյանի անվամբ կայացնել նոր վարչական ակտ:
3. Սույն որոշումը կարող է բողոքարկվել ՀՀ վարչական դատարան՝ ՀՀ օրենսդրությամբ սահմանված կարգով և ժամկետներում:
4. Սույն որոշման օրինակն ուղարկել Ղուկաս Եղիազարյանին և ՃՈ ՏՄՀԽԱ կենտրոն:



Ե. Կարապետյան